



Մ Ա Յ Ր Ա Թ Ո Ռ Ո Ւ Մ

Փետրվարի 18-ին՝ կիրակի.—2 կիրակի զկնի Մենդեան: Մայր տաճարում պատարագեց և քարոզեց հոգ տ. Ներսես ծ. վրդ. Պողապալանը «Արդ արձակեա զիս Տէր ի խաղաղութիւն» բնաբանով:

Ս. պատարագին ներկա էր Վեհափառ Հայրապետը:

* *

Փետրվարի 24-ին՝ շաբաթ.—Անպաշտոն կերպով առավոտյան ժամը 12-ին Մայր տաճար այցելեցին, որպէս զրոսաշրջիկներ, Մոսկվայի ԱՄՆ-ի դեսպանատնից դեսպանի տեղակալ Ալեն Դեվիսը և դեսպանութեան քարտուղար Վիլյամ Դեյյեսը իրենց տիկնանց հետ: Հյուրերը եղան նաև Վեհափառ Հայրապետի մոտ:

Երեկոյան ժամը 4-ին Մայր տաճար այցելեցին Հունգարիայի Ժողովրդական Հանրապետութիւնից մի խումբ պաշտոնական անձինք: Այդ թվում ՀժՀ-ի փոխվարչապետ, Հունգարիայի հեղափոխական բանվորական կուսակցութեան քաղբյուրոյի անդամ Անտալ Ապրոն, Հունգարիայի արտաքին առևտրի մինիստր Յոզեֆ Բիրոն, Հունգարիայի ֆինանսների մինիստր Պետեր Վային: Հյուրերին ընկերակցում էին Սովետական Հայաստանի վարչապետի առաջին տեղակալ ընկ. Մովսիսյանը և Սովետական Միութեան ատոմային էներգիայի օգտագործման պետական կոմիտեի նախագահ Անդրանիկ Պետրոսյանցը: Հյուրերին Վեհարանում ընդունեց Վեհափառ Հայրապետը:

* *

Փետրվարի 25-ին՝ կիրակի.—Բուն Բարեկենդան: Մայր տաճարում պատարագեց հոգ. տ. Նարեկ վրդ. Շաքարյանը: Քարոզեց գեր. տ. Հուսիկ եպսկ. Սանթրոյանը «Որ զօրէնս սրբութեան պահոց նախ ի դրախտին աւանդեցեր» բնաբանով:

* *

Մարտի 1-ին՝ ուրբաթ.—Ծնամայա բացակայութիւնից հետո Մայր Աթոռ վերադարձավ ս. էջմիածնի Մայր տաճարի լուսարարապետ գեր. տ. Հայկազուն արք. Աբրահամյանը, որը որպէս հայրապետական պատվիրակի հովական այցելութեամբ մեկնել էր Հնդկաստան: Երեւանի օդանավակայանում սրբազանին դիմավորեցին հոգ. տ. Մուշեղ, տ. Ներսես, տ. Նարեկ վարդապետները, Մայր Աթոռի դիվանապետ պ. Հայկ Առաքելյանը, «էջմիածին» ամսագրի խմբագիր պ. Ա. Հատիտյանը և բարեշնորհ Գրիգոր սրկ. Բունիաթյանը:

* *

Մարտի 3-ին՝ կիրակի.—Բ կիրակի Քառասնորդական պահոց (Արտաքսման): Մայր տաճարում ս. պատարագ մատուցեց հոգ. տ. Գևորգ վրդ. Սերայդարյանը: Քարոզեց հոգ. տ. Նարեկ վրդ. Շաքարյանը «Եթէ յուսոյն ձգարան սուսերբն յանցանաց հատեալ կրտրեսցի, կցեսցի դարձեալ միւսանգամ կամօք Ամենակալիդ բարօք պատուաստեալ» (Նարեկ) բնաբանով:

* *

Մարտի 5-ին՝ երեքշաբթի.—Վեհափառ Հայրապետի նախագահութեամբ գումարվեց Գերագույն հոգևոր խորհրդի հերթական նիստը, որին ներկա էր վերջերս իր կատարած հովական այցելութիւնից՝ Հնդկաստանից վերադարձած գեր. տ. Հայկազուն արք. Աբրահամյանը, որը զեկուցեց իր տված այցելութեան մասին: Ժողովի վերջում Վեհափառ Հայրապետը շնորհակալութիւն հայտնեց գեր. տ. Հայկազուն արքեպիսկոպոսին զեկուցման համար:

Մարտի 7-ին՝ հինգշաբթի.— Առավոտյան ժամը 13-ին Վեհափառ Հայրապետը Երևանում, Արտասահմանի հետ մշակութային կապի ընկերության դահլիճում, ներկա եղավ կազմակերպության տարեկան ընդհանուր ժողովին: Վեհափառ Հայրապետին ընկերակցում էին «Էջմիածին» ամսագրի խմբագիր Ա. Հատիտյանը և տ. Նարեկ վրդ. Շաքարյանը:

Ժողովին ելույթ ունեցավ նաև Վեհափառ Հայրապետը:

Մարտի 9-ին՝ շաբաթ.— Ժամը 13-ին Վեհափառ Հայրապետի նախագահության ներքո գումարվեց Մայր Աթոռին առընթեր Ճարտարապետական հանձնաժողովի հերթական նիստը, որը քննության առնվեց և հաստատվեց 1968 թ. Մայր Աթոռից ներս և նրանից դուրս շինարարական ձեռնարկների ծրագիրը:

Մարտի 10-ին՝ կիրակի.— Գ. կիրակի զկնի Քառասնորդական պահոց (Անառակին): Մայր տաճարում պատարագեց արժ. տ. Մկրտիչ քահ. Մկրտչյանը: Քարոզեց գեր. տ. Հայկազուն արք. Աբրահամյանը:

Ս. պատարագին ներկա էր Վեհափառ Հայրապետը:

Մարտի 16-ին՝ շաբաթ.— Վեհափառ Հայրապետի նախագահությամբ գումարվեց Գերագույն հոգևոր խորհրդի հերթական նիստը, որը քննության առնվեց և հաստատվեց ներքին թեմերի խորհրդակցական ժողովի ծրագիրը, որ տեղի է ունենալու մարտի 19—22 օրերին ս. էջմիածնում:

Մարտի 16-ին՝ շաբաթ.— Այսօր երեկոյան, շուրջ երկու ամիս Սիրիայում ծնողներին և հարազատներին այցելելուց հետո, Մայր Աթոռ վերադարձավ Արարատյան թեմի առաջնորդական փոխանորդ գեր. տ. Վահան եպս. Տերյանը: Սիրիա գտնված օրերին գեր. սրբազանը ազգային եկեղեցական իշխանությունների հրավերով պատարագել և Բանին կենաց քարոզությամբ մխիթարել է հավատացյալ ժողովրդին Դամասկոս և Հալեպ քաղաքներում:

Մարտի 17-ին՝ կիրակի.— Դ. կիրակի Քառասնորդական պահոց (Տնտեսին): Մայր տաճարում պատարագեց արժ. տ. Հակոբ քահ. Հակոբյանը: Քարոզեց հոգ. տ. Մուշեղ վրդ. Պետիկյանը «Եւ գովեաց տէրն զտնտեսըն անիրաւութեան» բնարանով:

